

DAVIES, ROBERT (1790-1841), blaenor Methodist

Enw: Robert Davies
Dyddiad geni: 1790
Dyddiad marw: 1841
Priod: Eliza Davies (née Charles)
Plentyn: David Charles Davies
Plentyn: Robert Joseph Davies
Rhiant: Jonett Davies (née Jones)
Rhiant: David Davies
Rhyw: Gwryw
Galwedigaeth: blaenor Methodist
Maes gweithgaredd: Crefydd
Awdur: Thomas Iorwerth Ellis

Mab ieuengaf David Davies, crwynwr, a Jonett, merch Robert Jones o Aberllefenni; ganwyd ym Machynlleth a symudodd wedyn i Aberystwyth. Gydag [Owen Jones](#) ei gefnder yr oedd yn un o sylfaenwyr ysgol Sul Trefechan, Aberystwyth, dan nawdd capel y Tabernacl, ac ef oedd ei harolygwr parhaol. Yn ei dref yn yr Heol Fawr, Aberystwyth, y paratowyd *Cyffes Ffydd* y Methodistiaid Calфинаidd. Priododd Eliza, merch y [Parch. David Charles \(I\)](#), yn Eglwys Bedr, Caerfyrddin, 8 Mehefin 1825. Bu farw 17 Mai 1841 a'i gladdu yn Aberystwyth.

O'i feibion, ganwyd yr ieuengaf, ROBERT JOSEPH DAVIES (1839 - 1892), rhydd-ddeiliad, yn Llanbadarn Fawr, 2 Awst 1839. Addysgwyd ef yng Ngholeg y Brifysgol, Llundain, a'r Coleg Amaethyddol Brenhinol, Cirencester. Priododd, 1863, Frances, merch y Parch. David Humphreys, Llandyfaelog, Sir Gaerfyrddin, a gorys y [Parch. Peter Williams](#), a threuliodd weddill ei oes yn y Cwrt Mawr, Llangeitho. Gwnaethpwyd ef yn ynad heddwch dros Sir Aberteifi yn 1870, ac yn drysorydd cymanfa gyffredinol y Methodistiaid Calфинаidd yn 1873. Rhoddodd lawer o'i amser at wasanaeth ei gyfundeb. Bu farw 6 Mai 1892, a'i gladdu yn Llangeitho. O'i blant, priododd yr hynaf, SARA MARIA (1864 - 1939) â'r Parch. J. M. Saunders; ysgrifennodd hi nifer o lithiau byrion yn disgrifio'r bywyd crefyddol a chymdeithasol Cymreig. Bu DAVID CHARLES DAVIES (1866 - 1928) yn gyfarwyddwr Amgueddfa Filofyddol Field yn Chicago, U.D.A.; daeth [John Humphreys Davies](#) yn brifathro Coleg Prifysgol Cymru, Aberystwyth; priododd ANNIE JANE (1873 - 1942) yn gyntaf â [T. E. Ellis](#) ac yn ail â'r [Parch. Peter Hughes Griffiths](#); a phriododd ELIZA (Lily) Charles (1876 - 1939) a [J. E. Hughes](#)

Awdur

Thomas Iorwerth Ellis, (1899 - 1970)

Ffynonellau

Methodistiaeth Cymru (1851–6)

Cylchgrawn Cymdeithas Hanes y Methodistiaid Calфинаidd, Mawrth 1941

Aberystwyth (Dolgellau 1914), darlith gan Evan Evans, d.d.

gwybodaeth bersonol

Darllen Pellach

Erthygl Wicipedia: [Sara Maria Saunders](#)

Dolenni Ychwanegol

Wikidata: [Q20734318](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Nghymru a thu hwnt.

Ewch i'n [tudalen codi arian](#) am ragor o wybodaeth.

